

DISSERTATIO INAUGVRALIS MEDICA 5

SISTENS

QVORVNDAM

PHAENOMENORVM
PERIODICORVM

IN

HOMINE OBSERVABILIVM
CAVSSAS PROBABILES

QVAM

ILLVSTRIS MEDICORVM ORDINIS
AVCTORITATE

AD

CAPESSENDOS SVMMOS

IN

VTRAQVE MEDICINA HONORES

PVBlice DEFENDET.

DIE II. APRILIS MDCCCCLXXXII

AVCTOR

GEORGIVS FRIDERICVS
BALLHORN

HANNOVERANVS

SOC. PHYS. PRIVATAE GOTTINGENS. SOD.

GOTTINGAE

LITERIS BARMEIERIANIS.

Artisimo Harrison

MEMORANDUM
FOR THE RECORD

DATE: 10/10/50
SUBJECT: [Illegible]

TO: [Illegible]
FROM: [Illegible]

RE: [Illegible]

1. [Illegible]

2. [Illegible]

3. [Illegible]

4. [Illegible]

5. [Illegible]

VIRIS EXOPTATISSIMIS
AVGVSTO EVERARDO
BRANDE

MEDICINAE APVD LONDINENSES
DOCTORI

AVGVSTISSIMAE BRITANNIARVM REGINAE

A REBVS PHARMACEVTICIS

NEC NON

IOANNI CONRADO
BRANDE

DOCTISSIMO MEDICINAE CANDIDATO

AVGVSTISSIMI BRITANNIARVM REGIS

A REBVS PHARMACEVTICIS

HANNOVERANIS

S.

Nullam me apud VOS, VIRI
EXCELLENTISSIMI, in inscri-
bendis hisce VESTRO NOMINI
paginis gloriolam captare voluisse,
fane per se intelligitur. Id tantum
egi, vt publice, quantus haberetur
VOBIS a me honos, quodam-
modo probarem. Qui enim et
fraterno vinculo VOBISCVM con-
iunctus est, et grata beneficiorum
memoria totus a VOBIS pendet,
hunc ab officio laetissimo reuocare
haud poteritis, nisi VOS iniquis
aestumare pretiis videri ipsi ve-
litis.

PRAEFATIO.

Quum caussae quaedam, eaeque priuatae, vt iamiam ineunte hoc anno summos in arte honores modeste, vti decet, expeterem ab Illustri Ordine vrgerent, tempusque, quod commentationi impenderem, magis absolutae, deesset: placita haecce physiologica, quae iam antea in Societatis Physicae priuatae Gottingensis confessu a me recitata fuere, ausus sum proponere. Quanquam enim singulae Medicinae clinicae disciplinae tam late quidem pateant, tamen, plurima earum capita iamiam ab iis, qui summos in arte honores ambirent, selecta fuisse, negari nequit. Porro

A 3

inge-

ingenue confitendum esse, puto, vix inueniri argumenta, medico iuveni iniquiora, in quibus operam collocet suam, quam illa, quae a disciplina practica suppeditantur. Qui enim experientiae, quas dicunt, practicae exigere possunt ab illo, qui modo alia, eaque grauiori, auctoritate iis imbutus sit? Qui, dico, ab illo, qui, dum propria obseruata annotare existimet, potius in repetendis omnis aevi veritatibus versetur? Non semper quidem, quae dixi, valere, lubentissime concedo. Saepe enim iuuenis opera egregie collocari potest in colligendis auctorum practicorum obseruationibus; saepe — idque Gottinga sibi gratulatur — tanta est praeceptorum erga discipulos benivolentia, vt argumenta practica, vlteriori inquisitione digna, illorum indu-

industriæ commendent et adminicula, quibus opus sit, suppeditent, quale exemplum Cl. LVEDGERS nobis reliquit. Quae modo de disciplinis medicinae practicae dixi, de Physiologia, disciplina videlicet, in qua hypothefibus et theoriis lubentius indulgeri et debet et potest, minus valent. Hic enim saepius ex legibus physiologicis, omnis aevi auctoritate probatis, phaenomena explicari possunt, quae primo intuitu explicatu difficiliora esse videantur. Quodsi quis bene has leges cognoscit, etiam sine ea, quae late patet, eruditione talium phaenomenorum explicationem interdum praestare poterit, ita, ut vel academicae primitiae quandam inde laudem fortuitam sibi vindicent. Multum tamen, ingenue confiteor, abest, ut coeptis meis
hanc

hanc apologiam tribuam, ut potius soli tantum argumento illam haud denegandam esse arbitrer. Quaecunque societatem priuatam, cui adscriptus sum, respiciunt, in hac commentatione omisi. Notitiae literariae exiguitati eo magis indulgendum esse putavi, quod partim argumenta, quibus superstructa est, tam trita sunt, ut ulteriori auctoritate haud indigeant, partim vero, quod occasio, inter quam haec qualiacunque conscripta sunt, auctorum allegationem recusauit, partim denique, quod, hypothese largiendum esse aliquid, putavi.

INTRODVCTIO.

§. I.

Ad perscrutandam rerum veritatem in multis disciplinarum generibus ratione vtuntur viri docti, quae primo intuitu mere speciosa et captiosa esse videtur: hypothesin puta. Quodsi tamen, quae in rebus, nobis obiectis, occurrunt, satis ab hypothesi quadam illustrantur: est sane, quod verisimilem illam esse putemus; Quid? quod, si omnia obiecta exacte hypothesi respondent, quodammodo ad veritatis et certitudinis nomen adspirat. Inde elucet hypothesium vis et honos.

§. 2.

In quonam vero cognitionum humanarum genere hypothesibus ae-

quius iustiusque venia danda erit, quam in Medicinæ studiis, inprimis illis, quae de Natura Humana agunt, vbi hominum ingenia subinde in rebus indagandis versantur, quae natura quodammodo ipsa, celare voluisse videtur? Huc videlicet referri possunt diuersae physiologorum hypotheses de modo, quo systema neruosum muneribus suis perfungatur *), inprimis de visus natura theoriae, partim NEWTONI, partim HUYGENII, HOOKII et LEON. EVLERI auctoritatibus insignitae **).

*) Cf. cl. MICHELITZ scrutinium hypothesis spirituum animalium. Prag. 1782.

**) Illustris LICHTENBERG, in annotatione ad §. 311. Inst. Physices b. Erxleben.

 SECTION PRIMA.

CATAMENIORVM CAVSSAE.

§. 3.

Inter symptomata periodica, in utroque machinae humanae statu obuia, insigniorem locum tenent catamenia et typus febrilis, quorum causae efficientes Physiologis explicatu esse difficillimae semper visae sunt. Meam de hisce causis opinionem, quae viris doctis nimis simplex visa fuerit, nescio, an omnino ab iis neglecta, iamiam proponere audeo. Primus itaque in catameniorum causas inquiram, deinceps ad altera symptomata periodica perrecturus.

§. 4.

§. 4.

Catameniorum caussae duplici respectu in genere considerari possunt. Sunt enim vel positiuae vel negatiuae. Sub negatiuarum nomine illas caussas intelligi volo, quae ceteris mammalibus, ut curatior docuit obseruatio *), fluxum hunc sanguineum denegant; sub positiuarum vero, quae, negatiuis caussis absentibus, symptoma hocce, humano generi proprium et solemne, efficere valent. Quae quidem omnes ex propria corporis humani fabrica erui debent, collatis simul physiologiae comparatae studiis.

§. 5.

Quum autem caussae positiuae periodico tantum ordine sese manifestent,

*) V. Ill. BLUMENBACH Inst. Physiol.
p. 421. in nota.

festent, et nihilominus conditio quaedam corporis constans adesse debeat, quae quarta quaque hebdomade hoc sanguinis profluvium admittat: diuidendae iterum videntur in praedisponentes et efficientes, quarum illae a fabrica uteri, eius situ atque, vt breuiter dicam, ab eius conditione plethorica pendunt; hae vero, quaeque sane principes sunt, et periodicum fluxus ordinem efficiunt, a virium vitalium vigore, vt argumentis demonstrabo, excitantur.

§. 6.

Exordiamur itaque a causis positiuis praedisponentibus, inter quas primum locum tenere meretur *Conditio uteri plethorica*, κατ' ἐξοχην dicta, ab eiusdem parenchymate oriunda. Idea enim plethorae involuit

voluit sanguinis massae in vasa continentia vim tantam, cui haec resistere nesciant, sed potius extendantur, et vel per diaeresin vel per anastomofin ita diminuantur, ut cruori exitus pateat. Quae quidem omnia de utero valere, sequentia demonstrant argumenta.

I. Insignis parenchymatis uterini expansibilitas, sit venia verbo, cuius quidem luculentissimum exemplum praebent graues et insignes mutationes, quas grauiditatis tempore uterus subit. Quum vero sciamus, omnia corporis viscera eo magis plethorae esse obnoxia, quo maior sit eorum expansibilitas: eundem quoque statum plethoricum utero in statu licet virgineo denegare nequimus.

II. Pe-

II. Peculiaris venarum uterinarum structura. Patet ex scholis pathologicis, arterias ob maiorem tunicarum irritabilitatem et elaterem congestioni sanguineae, nisi quodammodo phlegmones theoriam huc trahere velimus, diu resistere posse. Nulla itaque pars, ad effectus plethoricos edendos, sanguini magis indulget, quam tractus vasorum longe inertiorum: venas puta. Porro experientia clinica demonstrat, illas praeprimis corporis partes congestionem plethoricae esse obnoxias, quarum venae valuulis destituantur. Exemplum praebent plethorae venarum abdominalium. Idem etiam valuularum defectus per totam vteri compagem observatur, et symbolam suam conferre valet, ad statum vteri plethoricum constituendum.

III. Ir.

III. Irritabilitatis muscularis defectus, per totam uteri compagem observatus.

Quaecunque enim de musculosa uteri structura disputata sunt: ne-
tiquam tamen veram irritabilitatem
HALLERIANAM huius visceris pro-
bauerunt. Quamquam enim vix
cum veritate negari possunt fibrae,
tamen, ut effatur Ill. WRISBERG *),
muscularium instar. non parallelae
decurrunt, nec in strata distincta col-
lectae sunt, nec asperae inveniuntur,
nec stimulo anatomico ad irritabilita-
tem vellicari possunt, quum specifi-
cum illarum irritamentum ignore-
mus. Motrices vero esse fibras, ex
summa uteri contractili vi patet.

Simi-

*) V. summi Viri, pietate maxima a me pro-
sequendi, annotationem ad §. 95. Elem. artis
obst. b. ROEDERERI,

Similis in iride obseruatur effectus, quae sine distinctis fibris muscularibus, pro varia lucis actione, et expanditur et contrahitur *).

Quum vero nulla pars congestionibus et sanguineis et lymphaticis magis obnoxia sit, quam in qua musculorum defectus penitus obseruatur, vel exigua tantum structurae muscularis vestigia adsunt: iam exinde plethora uterina quodammodo explicari posse videtur.

§. 7.

Praeter conditionem uteri plethoricam, ab eiusdem parenchymatis indole pendentem, aliam adhuc causam praedisponentem recitant physiologi: situm videlicet corporis humani erectum. Quanquam ego

*) V. Ill. WRISBERG libro c. p. 19.

ego quidem hanc causam non inter principes referrem, ad catamenia fundenda praedisponentes, quum non intelligam, qui fiat, ut puellis citra annos pubertatis hicce fluxus nondum contingat: situs tamen uteri in ima pelui concausam sistit, minime negligendam. Si enim ponimus, nisi quodam formatiuo, neutiquam explicabili, vterum inde a pubertatis annis ita efformari, ut catameniis fundendis par reddatur: situs corporis erectus, nisi quidem absolute hunc fluxum ciet, mire tamen illi fauet, dum sanguis ipsa sua gravitate physica ad vterum allicitur. Omnes enim excretiones et secretiones, vel naturales vel praeternaturales, eo facilius succedunt, quo magis excernenda et fecernenda directionem gravitatis sequi possunt. Saliuae ex ductibus suis efflu-

effluxus prono capitis situ augetur; puris in abscessu collectioni situs membri declivis fauet, haemorrhoides in situ corporis perpendiculari vehementius saeuiunt. Quid? quod natura, ad excretiones et secretiones facilitandas, grauitatis leges quodammodo sequuta fuisse videtur, cuius insigne exemplum nobis praebet totum, quo patet, systema uropoeticum et bilis vel in cystidem suam, vel in duodenum delapsus.

§. 8.

Tertiam causam praedisponentem numero calorem vteri insignem, physiologis obseruatum, a vicinia partium, vndique illum circumdantium, oriundum. Ea est enim calidi sanguinis animantium conditio, vt, quam ope respirationis perenni tramite sibi vindicant,

ignis materiam continuo iterum atmosphaerae reddant. Quae quidem materiei igneae ad atmosphaeram attractio eo insignior est, quo magis corporis partes eiusdem superficiei appropinquant, quum contra illae, quae profundius sitae sunt, materiam igneam diutius retineant, quin a partibus vicinis iterum attrahant. Quantam vero symbolam, ad congestiones sanguineas iuandas, calor diuersarum partium specificus conferat, vltioribus argumentis non indigebit.

§. 9.

Plures adhuc causas praedisponentes, nisi subtilitatis nomen timerem, afferre possem. Accedo itaque ad illas, quae fluxum hunc sanguineum periodica vicissitudine proliciunt.

Idea vitae esse nequit sine vicissitudinibus et rythmis periodicis. Quando hae periodi vexantur, lentescunt et labefiunt, animal aegrotat; quando omnino evanescent, animal mortuum dicendum erit. Pulsus, respiratio, somnus, appetitus, alui depositio, catamenia, febris cet. periodum quandam, plus minus protractam tumentur. Quid autem est principium omnium harum vicissitudinum rhythmicarum, per totam machinam viventem perenni tramite agentium? Certo est vigor virium vitalium, vel propria harum conditione, vel peculiari stimuli indole excitatus.

§. 10.

Quanquam itaque vires vitales causae periodici catameniorum fluxus esse videntur: id tamen me-

diante irritabilitate musculari, ab HALLERO dicta, praestare videntur. Id enim a posteriori, quod dicunt, multis phaenomenis, irritabilitatem adesse probantibus, docemur; a priori vero, quum experimentis euictum sit, vel minimi ordinis vasis irritabilitatem haud esse denegandam. Multo felicius plura phaenomena physiologica et pathologica explicari possunt, si, quae veteres physiologi viribus mere mechanicis et physicis attribuere, potius ad virium vitalium actionem referuntur. Quae enim e. g. tubulorum capillarium functione ab illis explicabatur, vasorum lymphaticorum vis resorbens, maiori iure vi cuidam, neutiquam mechanicae, parietes vasorum vario modo constringenti, ideoque veram irritabilitatem demonstranti, adscribitur. Omitto
tamen

tamen grauissimam hancce irritabilitatis prouinciam et, ne multus sim, ad coepta reuertor.

§. II.

Cel. GIRTANNERS *), vir insignis, verissime contendere videtur, corpora viua perenni irritabilitatis hauriendae iterumque excernendae negotio esse obnoxia. Adscribit hancce irritabilitatis edendae facultatem basi aeris vitalis s. principio oxygenio. Quodsi etiam fortasse nondum accuratissime determinare possimus, num hic sit fons irritabilitatis: negari tamen nequit, multa phaenomena exactissime inde explicari. Irritabilitas tamdiu occulta remanet, donec stimulus quascunque illam in motus cieat et

B 4 deinde

*) v. Cl. GRÜN. Journal der Physik, Jahr 1791. p. 317 sq.

deinceps exstinguat. Hoc placitum GIRTANNERIANVM optime nostrae, quam iam iam proferre ausi sumus, de periodico catameniorum fluxu opinioni respondet. Femina enim sana perenni functione hanc irritabilitatem occultam attrahit; sanguis vero, circuitu suo per totam machinam dispersus, stimulum porrigit, qui irritabilitatem accumulata, eamque nimiam, in motus ciet, viresque vitales subito ita excitat, ut sanguis ad vterum, qui iam plethorica, ut demonstraui, conditione instructus est, congeratur, vasaque minima transfudet.

§. 12.

Nunc statim filet irritabilitas, et per aliquod tempus quasi exstincta videtur, partim quod grauissima, eaque

eaque præcipite, vicissitudine consumpta est, partim vero, quod stimulus, sanguinem puta, fractus est. Attrahitur denuo interea irritabilitatis edendae facultas, redit post quatuor hebdomades tanta sanguinis copia, ut accumulata et occulta irritabilitas excitetur, iterumque catameniis fundendis par sit. Sic itaque periodicus hicce fluxus, modo aucta, modo imminuta irritabilitate, per XXX circiter annos viget, donec tandem exsanguis senectus irruiat; et conditio vteri plethorica rigiditati senili cedit, unde catameniorum fundendorum functio, labefacta, mox definit.

§. 13.

Quid? quod irritabilitatem, varia ratione modificatam, ipsissimam

esse sollemnis huius phaenomeni causam, pathologica etiam catameniorum conditione docemur. In genere catamenia duplici ratione peccant, dum vel abundant, vel iustam sanguinis quantitatem haud tenent. Vtrumque phaenomenon secundum theoriam hypotheticam, a me explicatam, illustrare audeo. Mensium fluxus duplici ratione peccat abundantia. 1) Si corpus nimia irritabilitate laborat. 2) Si stimulus, qui irritabilitatem latentem in motus ciet, iusto grauior est. Feminae sanae, quae scilicet modica irritabilitate gaudent, vix ac ne vix quidem, licet plethoricae sint, catameniorum excessu vexantur; quum contra mulierculae, quae irritabilitate nimia laborant, licet corpora exsanguia et delicatula habeant, menstruationem profu-

profusam, inordinatam et frequentiore saepissime perpetiantur.

§. 14.

Stimulus proximus, qui irritabilitatem, ad catamenia fundenda, excitat, in massa sanguinis positus est. In illis itaque feminis, ubi vel exigua adest laticis vitalis copia, vel irritabilitas lentescit, catamenia iustam quantitatem haud tuentur. In utroque casu irritamenta grauiora, corpori allata, quae plethoram spuriam efficiunt et irritabilitatem lentescentem in motus cient, catamenia reddere possunt. Inde explicatur usus aloeticorum, aliorumque emmenagogorum, utpote irritabilitatem minimam ad motus cogentium, ideoque fluxum restituentium. Ex omnibus itaque allatis patet, quidquid periodici catame-

tamen iis infit, deberi irritabilitati
 variae, ftimuloque fanguineo. Nam
 et irritabilitas et irritamentum con-
 tinuis viciffitudinibus obnoxia funt,
 ita, vt in ftatu fano quarta qua-
 que hebdomade fanguinis copia
 iterum tanta fit, vt irritabilitatem,
 quae in eodem temporis fpatio pari
 ratione aucta eft, ad motus eden-
 dos cogat, tantamque in totam
 machinam vim exferat, vt fanguis
 latex effundatur.

§. 15.

Imo vel argumenta, ex discipli-
 nis clinicis petita, huic de periodico
 catameniorum decurfu hypothefi re-
 fpondere videntur. Ponamus vide-
 licet menftrua a venereo ftimulo
 obftructa, in quo quidem cafu duo
 irritamenta in corpore obtinent, fan-
 guis fc., menftruatione excernen-
 dus,

duſ, virusque venereum. Ille tempore catameniorum irritabilitatem occultam, ſeu potius lentefcentem totius ſyſtematis ſanguiferi mouet et oritur quaſi orgaſmus febrilis. Virus venereum ſtimulum ſiſtit contrarium, qui, dum continuo irritabilitatem vaſorum minimi ordinis excitat, ea contrahit et catameniorum profluuium inhibet. In hoc caſu id tantum agendum erit, vt, ſtimulo iniquo ſublato, ſana irritabilitas reſtituatur. Effectu vtriuſque huius irritamenti, ſibi inuicem contrarii, illa phaenomena optime explicari poſſe mihi videntur, quae hoc caſu in ſexu ſequiori obſeruantur et menſtruationis dolorificae et difficilis nomine ſalutantur.

§. 16.

Ceterum plura phaenomena, quae suppressionem fluxus menstrui comitantur, verisimile reddere videntur, effectus proximos huius suppressionis non attribuendos, esse sanguini excernendo, non excreto, sed potius irritabilitati vehementer excitatae et in motus coactae, dum irritamentum sanguineum non eliminari potest, ideoque, ob continuam in corpore moram, irritabilitatem diutius et vehementius mouet, donec tandem, illa extincta, et effectus nociui sensim desinant. Obseruatur enim, illas feminas, quae hac suppressione laborant, definitis temporibus, et quidem plerumque, quando catamenia secundum naturam fluere deberent, spasmodicis momentaneis turbari. Hoc phaenomenon explicari non
posse

posse videtur, nisi ponamus, irritabilitatem, per quatuor hebdomades auctam, in motus cieri, tandemque iterum exstingui, stimulo sanguineo licet perenni. Quodsi itaque caussa, catamenia impediens, tolli non posset: hi tamen effectus, ab excitata et mota irritabilitate oriundi, remediis sedantibus minui possent.

§. 17.

Nunc adhuc verba quaedam adiicere liceat de caussis catameniorum negatiuis, quae scilicet hanc praerogatiuam infantili senilique aetati, omnibusque animalibus viuiparis denegant.

In aetate infantili, vbi tamen irritabilitas tam insignis est, nulla, exceptis rarissimis exemplis, catameniorum vestigia reperiuntur. Causas,

fas, nisi in hypotheticos teleologiae campos incidendi animus sit, has paucas annotari posse, existimo. Prima recitari meretur efformatio vteri, in aetate infantili nondum absoluta. Sic enim accidit, ut omnis congestio sanguinis ab vtero arceatur. Nisus enim formativus tunc denique vterum quasi explicat, quando tota virginei corporis compages par est, grauissimo partus negotio subeundo. Respectu irritabilitatis insignis, in aetate infantili obseruabilis, natura sexcentis utitur opportunitatibus, quibus nimia irritabilitas continuo iterum exstinguatur, inter quas inprimis eminet animi hilaritas, huic aetati quammaxime communis, vtpote quae nimis aggregatam irritabilitatem efficacissime exstinguat; lusu et exercitii corporei appetentia et s. p.

Quid?

Quid? quod minor sanguinis copia, infantibus communis, praematurum catameniorum profluvium impedit.

§. 19.

Quae de caussis defectus catameniorum in aetate infantili recitavi, etiam de aetate senili valere videntur. Nam, ut omnia argumenta omittam, quae teleologia mihi suppeditare possit, vterus ob-
rigescit, latex vitalis imminuitur, ipsi riuuli exsiccantur et, quod imprimis censendum videtur, irritabilitas lentescit. Quodsi vnum et alterum ex hisce phaenomenis, quae senectutem comitantur, in aliqua femina, ultra annos pubertatis posita, non observantur: fieri omnino potest, ut catamenia adhuc profluant. Sic ipse matronam novi, in qua catamenia, eaque satis profusa,

fusa, corpori quammaxime irritabili tribuere velim. Dixi, sanguinis exiguitatem caussis annumerari posse, quae catamenia ab aetate infantili senilique excludant. Inde sequitur, quod in aetate pubertatis femina sana maiorem sanguinis copiam, quam vir, ceteris paribus, praeparare debeat. Quocum etiam consentiunt observationes anatomicae et physiologicae, quae insignem vigorem vasorum resorbentium apud feminas testantur. Inde Ill. WRISBERGIVS *) ait, viscerum vigorem, chyli salubrioris vberiore praeparationem sanguinem, in vtero collectum, ad effugia quaerenda dispo-
nere.

*) V. ROEDERERI Elem. art. obst. p. 29.
(Ed. 1766).

§. 20.

Vix adhuc quaedam differere audeo de caussis defectus catameniorum in brutis, quae tamen nihilominus concipiunt, prolem gerunt, nutriunt. Omitto omnem hypothesein teleologicam, hoc vno contentus, quod quodammodo ad probabilitatem sensualem adspirat. Physiologiae enim et anatomes comparatae studiis relictum est; ut veriora olim doceamur, sicuti teleologia fortasse philosophicam rerum indaginem sibi vindicat. Certe causae quammaxime latent nullamque, cui qualemcunque veritatis speciem tribuere et velim et possim, scio, quam situm corporis pronum, per totam mammalium classem observabilem. Huic enim quodammodo respondere videntur fluxus sanguinei vestigia, in ordine simiarum ob-

via, quum tamen quadam ratione
fitus erectus haud prorsus illis dene-
gari queat, quanquam quidem hicce
fluxus tantum parcus, vagus et
omni periodico ordine plane desti-
tutus sit.

§. 21.

Haec qualiacunque habui, quae
de catameniis mihi disputanda vi-
debantur. — Vtinam aequos be-
neuolosque lectores nanciscantur!
Symptomatum vero, quae super-
sunt, periodicorum indaginem mox
in publicum edere conabor, vbi
tempus mihi concessum erit, quod
curatori opellae castigationi im-
pendam.

THESES.

- I. *Omnia corpora, organis instructa, suam habent irritabilitatem muscularem.*
- II. *Corotrophea publica nocent rei publicae et iniuriam inferunt parti integrae sexus sequioris.*

III. De publica salute meretur magistratus, qui spirituosorum potuum venditionem ex officinis pharmaceuticis pro-scribit.

IV. Motus vasorum lymphaticorum retrogradus multis phaenomenis status morborum re-spondet.

V. Liquor probatorius remedium dubium est, ut saturnina in vino, aliisque corporibus indagantur.

VI.

*VI. Omne mortuum nunquam re-
viviscit.*

VII. Furiam infernalem esse, nego.

*VIII. Sedes materiei rheumaticae
tela cellulosa esse videtur.*

*IX. Vires opii et spiritus vini
eaedem esse videntur.*

X.

X. *Venis vis quaedam contractilis
haud deneganda esse videtur.*

XI. *Caussa proxima hydropis in
systemate lymphatico posita est.*



